

հէնց դրանով ուզում եմ պայացուցանել, որ մեր կառավարութիւնը ի վիճակի է իրականութիւնը տեսնել իր պարզութեամբ: Դրա հետ միասին մենք պարտաւոր ենք մատանիչ անել նաև այն թերութիւնները, որոնք, դժբախտաբար, շարունակում են մնալ իրենց ամբողջութեամբ:

Ես չեմ ուզում կանգ առնել մեր երկրի վարչական, քաղաքական, ֆինանսական կամ տնտեսական խնդիրների վրա, որոնք շօշափւեցին պ. նախարարապետի հաղորդադրութեան մէջ: Բայց ես նախ ուզում էի ձեր ուշադրութիւնը հրաւիրել այն պարագայի վրա, որ այս ամբողջից մենք լսել ենք բազմաթիւ ու բազմատեսակ ճառեր, արտայայտւած մտքեր, որոնք ախորձայ իրողութիւնը նախապատրաստեցին և որոնք դեռ շարունակում են գոյութիւն ունենալ և՛ խորհրդարանի, և՛ կառավարութեան, և՛ բանակի, և՛ ժողովրդի մէջ: Այո՛, պատգամաւոր Աղբալեանը մեր երկրի որոշ մասերի մէջ եղած տգիտութիւնը շեշտեց, բայց ո՞վ փորձեց լոյսի մի ճառագայթ, մի աղօտ ճառագայթ տանել այդ խաւար անկիւնները: Ամենից ցաւալին ու զարմանալին այն է, որ յաճախ դերի ու տեղի փոփոխութիւնը փոփոխութիւն է առաջացնում նաև մեր մտքերի, մեր գործերի մէջ:

Ուզում եմ ասել, որ մենք չունենք հետևողականութիւն մեր գործերի մէջ, որ մեր գաղափարներն ու գործերը իրար չեն շողկապւում: Մենք չուտով մոռանում ենք մեր երէկը, ձգտում ենք ապրել առօրեայ կեանքով և ոչ մի անգամ մեր երէկը, այսօրը և վաղը համաձայնեցնում ենք իրարու հետ:

Պ. նախարարապետի և պատգամաւոր Աղբալեանի խօսքերի մէջ ցայտուն կերպով նկատելի էր մի պարագայ: Կարծէք թէ մենք մոռացել ենք մեր դարաւոր թշնամին, որի դէմ, երէկ, ուղղում էինք մեր ուժերն ու զէնքերը, իսկ այսօր բոլորովին այլ թշնամի ենք տեսնում, որը գալիս է հիւսիսից, որի դէմ ծառանում ենք բոլորս միասին և մեր ամբողջ ուշադրութիւնը ուղղում դէպի հիւսիս: Վտանգաւոր է հիւսիսը. դրա համար կասկած չկայ. բայց չմոռանա՞նք հարաւը, որը նոյնպէս միշտ մեր դռան պատրաստ կանգնած է: Ես ուզում եմ ասել, որ մենք ամենից առաջ հետևողականութիւն ունենալու ենք մեր բոլոր գործերի մէջ և իրար հաշտեցնելու ենք մեր երէկը, այսօրը և վաղը:

Երկրորդ պարագան, որի վրա ուզում էի կանգ առնել և ձեր ուշադրութիւնը հրաւիրել, դա հիւսիսի վտանգն է: Մենք ատում ենք ռուսը: Մենք ատում ենք չէ թէ այն ռուսը, որը իր երկրի ու ժողովրդի համար է գործում, ընդհակառակը, մենք ատում ենք այն ռուսը, որը իր երկրի սահմաններից դուրս ձգտում է իր տիրապետութիւնը տարածել ուրիշների վրա և նրանց իրաւունքներին տէր դառնալ: Մենք ատում ենք այս վերջին ռուսը, ինչ գոյնի կամ ձևի թող լինի, բաւական է, որ մեր արդար ու սեփական իրաւունքին աչք է դնում:

Պ. նախարարապետը ոչ մի անգամ ցոյց չտուաւ այն իրական ու նոր միջոցները, որոնցով նոր կառավարութիւնը կուեղու է այդ ռուսականութեան դէմ, որը երէկի ժառանգութիւնն է, որը շարունակում է գոյութիւն ունենալ այսօր՝ խորհրդարանից սկսած մինչև վերջին քաղաքացին, և որը, հաւատում եմ, դեռ գոյութիւն ունենալու է նաև վաղը: Ի՞նչ արաւ մեր կառավարութիւնը արմատապէս ջնջելու այդ ռուսականութիւնը — դժբախտաբար, պ. նախարարապետը չտուաւ դրական փաստեր այդ ուղղութեամբ:

Բայց թոյլ տւէք նախ շօշափել այս հողային խնդիրը: Ասւեցաւ, որ կառավարութիւնը օրէնք է մշակել վերջնականապէս կարգադրելու հողի խնդիրը, որը մեր երկրի ու մեր ժողովրդի ամենացաւոտ խնդիրներից մէկն է և որի համար իրաւացիօրէն դժգոհում է մեր գիւղացիութիւնը: Բաւական